

T 9299 / 7990

40

CHINESE - JAPANESE LIBRARY OF  
HARVARD - YENCHING INSTITUTE  
41 HARVARD UNIVERSITY  
MAY 5 1941

天中記四十卷

哈爾濱大學漢和  
圖書館珍藏印

明陸陳耀文晦伯甫纂

男龍光校

隱逸

**王政所先**孔子稱舉逸民天下歸心焉是以洪崖先生

創高於上皇之世許由善卷不降唐虞之朝易有束帛  
之義禮有玄纁之制詩人發白駒之歌春秋顯子臧之  
節故月令以季春聘名士禮賢者然則高讓之士王政

所先

高士傳

**許下**堯讓天下於許由許由不受耻之逃隱及夏之時

有卞隨務光者此何以稱焉史記

委位舜王天下臯陶佐政此人無澤深隱不見禹王天  
下伯益輔治伯成子高委位而耕

**虛無堂**李耳著道德五千餘言為道家之宗以其年老

著子故號其書曰老子居亳州南宮北今亳龍井井前  
有昇仙檜再生檜老君鍊丹井井北有虛無堂石壁鐫

道德經高士傳序

**五往**乃見齊桓公時有處士曰小臣稷桓公三往而弗

得見桓公曰吾聞布衣之士不輕爵祿無以助萬乘之

主萬乘之主不好仁義亦無以下布衣之士於是五往

乃得見之韓非子

**王坐欣飽**亥唐晉人也高恪寡素晉國憚之雖蔬食菜

羹平公每為之饋飽公與亥唐坐有間亥唐出叔向人

平公伸一足曰吾向時亥子坐非痛足痺不敢伸叔

向勃然作色不悅公曰子欲貴乎吾爵子欲富乎吾祿

子夫亥先生乃無欲也吾非正坐無以養之子何不悅

乎嵇康高士傳

**飯牛**魯君聞顏闔得道之人也使人以幣先焉顏闔守

陋閭直布之衣而自飯牛魯君之使者至顏闔相對之

使者曰此顏闔之家與顏闔對曰此闔之家也使者致

幣顏闔對曰恐聽者謬而遣使者罪不若審之使者還

反審之復來求之則不得已

**立倦不息**魏文侯見段干木立倦而不敢息及見程黃

踞於堂而與之言瞿黃不說文侯曰段干木官之則不肯祿之則不受今女次官則相位欲祿則止卿既受吾實又責吾禮無乃難乎

**歸真反璞**

齊宣王見顏觸云願先生與寡人遊食必太

牢出必乘車妻子衣服麗都顏觸辭去曰夫王生於山制則破焉非弗寶貴矣然大璞不完七生乎鄙野推選則祿焉非不尊遠也然而形神不全惟願得歸晚食以當肉安步以當車無罪以當貴清淨貞正以自虞遂辭而去君子曰觸知足矣歸真反璞則終身不辱

戰國

**鵲冠**

鵲冠子或曰楚人隱居幽山衣敝履穿以鵲為冠

莫則其名因服成號善言道家事馮煖常師事之

後顯於趙鵲冠子懼與薦已也乃與煖絕

**灌園**

陳仲子楚王聞其賢欲以為相遣使持金百益至

於陵聘仲子仲子入謂妻曰楚王欲以我為相今日為相明日結駟連騎食方丈於前意可乎

左琴

右書樂在其中矣結駟連騎所安不過容膝食之於

前所甘不過二肉今以容膝之安二肉之味而懷楚國

之憂亂世多害恐先生不保命也於是出謝使者

與逃去為人灌園

高士傳

齊使使者問趙威后威后曰

於陵子仲尚存乎是其為人也上不臣於王下不

索交諸侯此率民而出於無用者

後乎

鄭長者鄭長者隱德無名者書十篇言道家事韓非稱  
之世傳是長者之辭因以為名未詳

**淮陽一老**應曜本自周武王左傳曰邢晉應武之

也漢有應曜隱於淮陽山中與四皓俱徵曜獨不至

人謂之曰南山四皓不如淮陽一老八代孫應劭

漢書云自帖五音集韻淮韻作漁

**隱侯**盧元明緱山記漢王玄爽者隱于此山景素每

不屈遂就山而封侯因以為名宋亮緱山詩王父拜隱

侯

**所居士**摯峻字伯陵與司馬遷交好隱于所山遷以書

勸峻進白木上立德次位勸次上言伏惟伯陵才能絕

人高尚其志不若正事荷其然不貴太止之

所由也漢書曰君子身能而行復德而處操者達於

身利不可以虛受名不可以苟得漢興以來帝王之道

於斯始顯能者見利不肖者自屏亦其時也二人自是

各從所欲遷果以悔吝數辱峻遂高向不仕守於所

人立祠號所居士高士

**鄭嚴**鄭樸字子真隱于谷口高節不屈耕于石之下

名震京師時人因于其所居名為鄭泉谷曰鄭子

真蜀有嚴君子身修身自保非其服非其食弗食

成帝時元舅大將軍王鳳以禮聘子真子真遂不詣

終君平卜筮於成都市以其業終蜀人愛敬至今稱焉

楊雄著書言當世世稱此二人其論曰或問君子疾沒世而名不稱蓋執諸名卿可幾曰君子德名為幾梁奪楚趙之君非不富且貴也惡乎幾其名谷口鄭子貴不訕其志而耕於巖石之下名震于涼師豈其卿豈其卿楚兩龔之潔其清矣乎蜀嚴湛冥不作苟見不治苟得久幽而不改其操雖隨和何以加諸舉茲以旃不亦寶乎不慕由即夷矣何冕欲之有魏問明蜀有富人羅冲者問君平曰君何以不仕君平曰無以自發冲為君平具車馬衣糧君平曰吾病耳非不足也我有餘而子不足柰何以不足奉有餘冲曰吾有萬金子無儋石乃云有餘不亦謬乎君平曰

息書夜讀汲朱膏有人今我以下為業不下林而錢自至猶餘數百塵積厚止不知財用此非我有餘而子不足耶冲大慙君平數曰益我貨者損我神生我以者殺我身竟不仕高世傳

通志畧云臣謹按前說云云豈未見高士傳耶

**嚴平**澄漠于塵肆梅真隱論乎節率四明餘

姚之南七十里仙尉梅赤實之隱也福初入山見多

龍穴神蛇每吐氣成疾閣雲雨晦冥遠有石庫內野仙

無神仙經籍貞元十二年法常名于房高神人謂

之曰石庫中聖書懸記既將奉之者為地

主不然為帝王之師傳矣然

**三徑** 杜陵蔣詡字元燈為兗州刺史以廉直著名王莽居攝以病免官歸鄉里荆棘塞門舍中有三徑不出唯求仲羊仲從之遊二人不知何許人皆治車為業控廩逃名時人謂之二仲詡為兗州王莽為宰衡詡奏事到霸上移病歸杜陵荆棘塞門舍中三徑終身不出時人諺曰楚國二龔不如杜陵蔣翁  
康高 惟開蔣生徑永懷求羊蹤謝靈運詩

**都尉掃門** 龍丘長吳郡人篤志好學玉莽篡隱居大山以耕稼為業公車不應徵更始時任延年十九為郡東部尉折節下士鍾離意為丞簿意請長為門下祭酒教

辱之何召之有

漢書

東陽有高山班固謂之九岩山

後漢龍丘長隱處也山多龍窟裡相望之五采亦曰婦

人岩

海錄

山有九石特秀林表色丹白遠望之狀肖芙蓉

故一名九峯巖山漢龍丘長隱居于此與嚴子陵友善終年百歲山際有三疊巖穴外如總牖中有石床東陽記

**蜘蛛隱** 龔舍初仕楚王非其欲見飛虫觸蜘蛛網而死

嘆曰仕宦亦人之網羅也遂掛死而退時人謂蜘蛛隱

金樓子

雖執節若夷齊去就若兩龔皆不錄也高士傳

**隱居** 胡剛清高有志節值王莽居攝解其衣冠歸野

門而去遂亡命交趾隱於屠肆之間

後漢選注

**清高** 牛虫字君直世祖為布衣時與

夜講說義



言云劉秀當為天子世祖曰安知非我萬一果然各言  
爾志牢獨默然世祖問之牢曰丈夫立義不與帝友衆  
大笑及世祖即位徵牢稱疾不至詔曰朕幼交牛君真  
清高士也恒有疾州郡之官者常先到家致意焉刺史  
郡守是以每輒奉詔就家存問牢恒被髮稱疾不答詔  
命高士傳

**折芟**鄭敬字次卿汝南人閑居不修人倫都尉逼為公  
曹辭病去于蟻陂之陽隱處精學同郡鄧敬公為督郵  
過存敬敬方釣魚於大澤因折芟為坐以荷薦肉瓠瓢  
盈酒言談彌日蓬廬草門琴書自娛世祖公車徵不行  
陰就虞延並辟不至訓承折芟焚枯此馬自足任彦升表

**勅斷家事**

向尚

長字子平有道術為縣功曹休歸自入

山擔薪賣以供食飲

漢書

王莽大司空王邑辟之連年

乃至欲薦之於莽固辭而去潛隱於家讀易至損益卦  
喟然嘆曰吾已知富不如貧貴不如賤但未知死何如  
生耳建武中男女娶嫁既畢勅斷家事勿相閑當如我  
死也於是遂肆意與同好北海禽慶俱遊五嶽名山竟  
不知所終高士傳

**存神養和**

臺佟字孝威魏郡鄴人也隱於武安山鑿穴

為居採藥自業建初中州辟不就刺史行部乃使從事  
致謁佟載病往謝刺史曰孝威君身如是甚苦如何佟  
曰佟幸得保終性命存神養和如明使君奉宣詔書及

揚庶事反不苦耶遂去隱逸終不見

**高道人**張仲蔚平陵人與同郡魏景卿俱修道德隱

身不仕常居窮素所處蓬蒿沒人唯開一徑閉門養性

不治榮名時人莫識唯劉龔知之

高士傳

**玄德先生**法真字高卿性恬靜寡欲不涉人間事凡辟

公府賢良皆不就同郡田羽薦之順帝虛心欲致前後

四徵真曰吾既不能避形遠世豈欲洗耳之水哉遂深

自隱絕終不降屈友人郭正稱之曰法真名可得而聞

身難得而見逃名而名我隨避名而名我追可謂百世

之師矣乃共刊石頌之號曰玄德先生

**有道大夫**李恢字仲興李佐車十四世孫也漢桓靈

高尚不仕號有道大夫

北漢書李士謙傳

**二代不仕**陸著字文伯漢桓靈間府州交辟不就惟娛

棲道臨卒戒諸子弟云吾少未嘗官于世四十餘年以

汝等必矜義勿苟仕濁世子孫奉遵舊遺訓遂二代不

仕皆有盛名

王僧虔吳地記

**高席**公沙孚字允慈與荀爽共約出不得事貴勢而爽

當董卓時脫巾未百日位至司空后相見爽遂約割

席而坐

北海傳

**設東面坐**徐稚忽榮祿陳蕃欽其高行以禮詔請署為

功曹及師友祭酒又特為設東面之坐重席佩中佩

候之稚辭疾不到

雜傳

**蘇門**蘇門先生嘗見採薪於阜者先生嘆曰汝將以是終乎哀哉薪者曰以是終者我也不以是終者我也聖人無懷何所為哉聖人以道德為心不以富貴為志因歌二章莫知所終宋淑真傳

**采桑**南郡龐士元聞司馬德操在潁川故二千里候之至遇德操采桑士元從車中謂曰吾聞丈夫處世當帶金佩紫馬有屈洪流之量而執絲婦之事德操曰子且下車子適知邪徑之速不慮失道之迷昔伯成耦耕不慕諸侯之榮原憲桑樞不易有官之宅何有坐則華屋行則肥馬侍女數十然後為奇此乃許父所以忼慨夷齊所以長歎雖有竊妻之爵千駟之富不足貴也上元

曰僕生山邊書家山夫其性不識其音響也說

**釋耕壘上**龐德公居峴山之南朱壘入城府夫妻相敬如賓劉表數請之德公不為屈乃就候之表曰夫保三身孰若保天下乎德公笑曰鴻鵠巢於蒿林之上暮而得所棲黿穴於深淵之下久而得所宿夫取舍行止亦人之巢穴也各得其棲宿而已天下非所保也因釋耕於壘上而妻子耘於前表數息而去後遂携其妻子登鹿門山因采藥不反後

**龍種**龐德公子真字世文晉太康中為祥柯太守去官歸鄉居白沙里鄉人宗敬之相語曰我家也中龍種來

里中化其德讓少壯皆代老者擔

**清高不仕** 高陽許詢字玄度母陽許玄守遠遊並清高

不仕詢有才藻能清言玄由居服食志求仙道遊會稽

臨海山誓不歸家乃與婦書令改道後入刻深山莫知

所止或以為昇仙晉書

**玄度巖** 許詢徵司徒掾不就乃策杖披裘隱于永興西

山憑樹構堂蕭然自致至今此地名為蕭山常與沙門

支道及謝安石等同遊往來至今阜屯呼為玄度巖金

**竹中高山** 張薦隱居頰誌家有苦竹數十頃在竹中為

屋常居其中王右軍而造之巖逃避之竹中不與相

見晉書郡志竹中

**充隱** 桓玄謀逆以歷代咸有肥遁之士而已獨無乃

皇甫謐六世孫希之為著作并洽其資用者皆令讓而

不受號曰高士時人名為充隱晉書

**晉陽四隱** 晉翟莊字祖休湯之子以孝友著名守父操

州致禮命並不就莊子矯亦高節家居無事好種竹辟

命屢至嘆曰吾焉能易吾種竹之心以從事於籠鳥盆

魚之間哉竟不就矯子法賜節槩尤佳武帝以散騎郎

召客勉之就聘乃正色曰吾家不仕四世矣使白璧黑

污可乎亦不從之祖父子孫皆有行義世稱晉陽四隱

南康志

**三葉肥遁** 桐廬縣東有大漢溪九里注廬口溪南通新

志

安東出富陽青山綠波連霄亘壑昔徵士散騎常侍戴勃遊此自言山水之極致也勃字長雲譙國鉅人父叢騎侍即達字安道弟子常侍國子祭酒顯並高蹈俗外三乘肥遁為海內所稱

吳地

**二** 周續之字道祖閑居樂志好讀老易入廬山事沙

門釋慧遠時彭城劉遺民遁迹廬山陶淵明亦不應徵

命時人謂之潯陽三隱宋高祖嘗稱續之曰心無偏吝

真高士也宋書或問續之時踐王庭何也笑答曰心馳魏

闕者以江湖為性藉情政兩忘者市朝亦若谷耳廬山記

**人外之遊** 孔淳之字彥深居會稽剡縣性好山水每有

所遊必窮其幽峻其旬自忘歸與徽山戴顓王弘之王

敬弘等為人外之遊會稽太守謝方明苦要之不能致

使謂曰苟不入吾郡何為入吾郭淳之笑曰潛游者不

識其水巢棲者非辯其林飛沉所至何問其主終不肯

往嘗游山過沙門釋竺法崇因留共止遂停三載每與

盤遊極日輒信宿忘歸披襟領契自以為得意之交也

崇乃嘆曰緬想人外三十餘年傾蓋于茲不覺老之將

至後溥之別遊崇咏曰浩然之氣猶在心耳山陰之里

往而不反其若人之謂乎宋書高僧傳

**真隱傳** 何尚之為尚書令致仕于方山著退居賦以明

所守而議者咸謂其不能固志文帝與江夏義恭詔

曰羊孟尚不得告謝尚之未宜申許尚之遂攝職於是

袁淑乃錄古來隱士有迹無名者為真隱傳以嗤焉南  
祿如腐草衡陽王羲季問宗炳曰欲屈先生以重祿可  
乎曰祿如腐草盛衰幾何記廬山

**愛竹酒**辛居士名宣仲截竹為罌以酌酒曰吾性甚愛

竹及酒欲令二物並耳宋巴陵王休若謁之呼兒取豹

皮下五文錢買瓜南雍州記辛居士隴西人大明末寓居襄

陽縣西六里多植松竹棲遲其下林中起一草廬容膝

而已善彈箏與淮南胡陶京兆洛惠度同志為友常共

讌集此林陶能吹笛惠度工歌什林下管絃道韻時人

謂之公樂表馬

**今之臺尚**北京康字康齊與同郡顧然同契于始寧東

山開舍授學齊高帝遣劉瓛入東為武陵王暉講戲

往與之游曰杜生今之臺尚也南史朱冲字巨容每聞徵

書至即逃入深山時人以為梁管之流晉書

**朝隱**王遠子僧祐字胤宗雅為從兄儉所重好博古善

老莊不尚繁華亭然獨立不交當世劉瓛上書薦之謝

病不與公卿游齊高帝謂王儉曰卿從不謂朝隱答曰

臣從非敢妄同高人直是愛閑多病耳時何遜王思遠

之徒請交並不降意自天子至于侯相未嘗與二人游

南史十一王康琚反招隱詩小隱隱陵藪大隱隱朝市

**不受黜削**沈麟士字雲禎居貧高尚織簾誦書張永為

吳興欲請為功曹麟士曰必欲節渾沌以斲眉冠越客

天中記 卷四十一

於文冕走雖不敏請附高節有蹈東海死年不忍受此  
黜削永乃止南史

**量腹度形**宗測字敬微炳孫也豫章王巖兩徵之測答  
府召云何為謬傷海鳥橫斤山木今髮髮已白豈容課  
虛責有限魚慕鳥哉魚復侯子響為江州厚遣贈遺測  
曰尋山採藥量腹而進松木度形而衣薜蘿淡然已足  
豈容當此橫施南齊書

**北山移文**周顒字彥倫於鍾山西立隱舍休沐則歸之  
南齊書汝南周顒昔經在蜀以蜀草堂寺林壑可懷乃於  
鍾嶺雷次宗學館立寺因名草堂亦名山矣梁簡文  
德璋移文云世有周子攜俗之士竊吹草堂濫巾北岳

務光消子不能儔其紐金章縮墨綬使我高霞孤映  
白雲誰侶列壑爭譏攢峯聳聳今又促裝下邑浪拽上  
京雖情投于魏闕或假步于山局豈可使碧嶺再辱丹  
崖重滓宜掩雲關截來轅請回俗士駕為君謝逋客

鍾山在都北其先周彥倫隱于此山後應詔出為海  
鹽令欲却過此山孔德璋乃假山靈之意移之使不  
許得至故云北山移文選注

齊書曰顒字彥倫汝南人釋褐海陵國侍郎元徽中  
出為剡令建元中為長沙王後軍參軍山陰令霜遷  
國子博士卒于官未嘗云為海鹽令也臣之云云豈  
杜撰耶

**披褐先生** 東莞城榮緒與友河東閔康之俱隱在京  
時號三隱榮緒敦愛五經常以宣尼生庚子生陳五經  
拜之自號披褐先生 南齊書

**東海繆裴** 字文雅東海蘭陵人世亂將家避北海濱不  
以遜世為悶不以窮居為傷浣衣濯冠以俟 義傳

**阮居士** 阮孝緒幼有至性與群兒游戲便以穿池及冠  
父誠之孝緒答曰願迹松子於瀛海追許由於窮谷庶  
保促生以免塵累自是屏居一室雖家人亦罕窺其面  
人遂呼為阮居士天監十二年與吳郡范元珪俱微不  
至袁峻謂曰往古天地閉賢人隱今世路已清而子猶  
道可乎答曰昔周德雖興夷齊不厭薇蕨澤道方成

綺無悶山林為仁由已何謂人世南平王偉聞其名致  
書要之不赴曰非志驕富貴祖性畏廟堂若使麀鹿可  
駮何以異夫驥駮 南齊書

**神人** 劉訐字彥度隱居求志本州刺史張稷辟為主簿

不就主者敦召訐乃掛檄於樹而逃於族兄歆並遊遊  
林潭以山水書籍相娛會與歆聽講鍾山寺因共小  
築宋熙寺東澗有終焉之志尚書即何遜曾過之於  
曰此人風神頽俊益荷奉情術以賢之流也命其  
拒而不見嘗著縠布中披紵衣每遊山澤輒留連  
神理閑正姿貌甚華在林谷之間意遠氣清  
者皆謂神人 齊書



月食四斗果武初詔何胤為先釋大夫遣王果之決手  
勅諭意并徵謝朓果之先至胤所恐胤不出先示以可  
起乃單衣鹿皮巾執經卷下床受詔就席伏讀及果之  
從謝朓所還問胤出期以應召答果之曰吾年已五十  
七月食四斗米不盡何容復有宦情果之失色不能答  
**推書梁產**李謐字永和鄉黨有神童之號屢辭徵辟志  
守冲素結宇依巖憑崖鑿室耽學守道不悶於時每曰  
丈夫擁書萬卷何假南面百城遂絕跡下帷杜門却掃  
棄產營書手自刪削隆冬連曙盛夏通宵雖仲舒不窺  
園君伯之用尚氏之志食未足為也

**物外司馬**王祥字叔朗閑談寡欲雖王事執掌而雅操  
不移良辰美景請詠遊遨登山臨水以談讌為事人士  
謂之物外司馬

**道進**常曼字敬遠志尚夷簡澹於榮利一見徵辟皆  
不應命所居之宅枕帶林泉對翫琴書蕭然自逸時人  
號為居士周太祖備加禮命竟不能屈明帝禮敬愈厚  
為詩以遺之曼答帝詩願不時朝謁帝敕有司日給河  
東酒一斗號之曰道進公陳使周弘正贈詩曰德星猶  
未動貢車詎肯來

**假德**杜淹字執禮開皇中與其友常福嗣謀曰上好嘉  
直蘇威以幽人召得美官乃共入太白山為不仕者文



乃仕宦之捷徑耳。藏用慙語。

**白雲詔**司馬承禎苦辭還山勅賜寶琴花帳遣之。正部

侍郎李適賦詩朝士咸屬和散騎常侍蔡彥伯撮其美

者二十一首為製序名為白雲記。

**見山合乘**任較有經學居懷谷望徵命而蒲輪不至自

入京中訪問有朝士戲贈詩云雲林應訝鶴書遲自入

京來探事宜從此見山須合眼被山相賺已多時後至

**補袞**出關鼓火

**踈遠方外**顧况志尚踈遠近於方外有時宰曾招致將

以好官命之况以詩答之曰四海如今已太平相公何

事要狂生此中望論真叫數聲後吳中

皆言况得道解化去

**煙波釣徒**張志和字子同。志和表不復仕居江湖自稱

煙波釣徒陸羽嘗問孰為往來者曰太虛為室明月為

燭與四海諸公並處未嘗少別也何有往來志和謁顏

真卿於湖州真卿以舟敝漏請更之志和曰願為浮家

泛宅往來苕霅間嘗撰漁歌憲宗寫真求訪之不能致

李德裕玄子記云魚父賢而名隱鷗夷智而功高未若

玄真隱而名彰顯而無事不窮不達其嚴光之比歟。

集一品刺史顏真卿與陸鴻漸等共唱和二十五首

**江湖散人**陸龜蒙字魯望居松江甫里不喜與流俗交

雖造門不肯見不乘馬非舟設蓬席齋東書茶竈筆床

釣具往來時謂江湖散人或號天隨子南里先生自此  
浩翁漁父江上丈人後以高士召不至唐書天隨生宅荒  
少墻屋多隙地前後皆樹杞菊以供盃案至夏枝葉老  
硬氣味苦澀猶責僮兒采掇人言牛乘之色非無好事  
之家日欲擊鮮為具以飽君君獨閉關不出率空腸貯  
古賢遺言何自苦如此天隨生笑曰我幾年來忍饑誦  
經豈不知屠沽兒有酒食邪陸龜蒙別傳

**遺名子**

大曆中處士常渠年隱鍾山號遺名子顏真卿

題其所隱之堂曰遺名先生三教會宗堂金陵志常與竟

陵陸鴻漸杼山僧皎然為方外之侶沉真博約為日最

久而不名世行不滯一故其曳羽衣也則曰遺名攝

方袍也則曰塵外披儒服也則今之名字著焉權載之文序

**離俗**

陳琬鴻之子也咸通中佐廉使郭常侍銓于徐姓

耿介有所不合挈家居茅山平居焚香習禪與妻子罕

面惟沉溝寺長老與之談款臨行留一章與其僧云行

若獨輪車常畏大道覆止若圓底器常恐他物觸行止

既如此安得不離俗乾符中第璉佐薛能幕於徐琬自

丹陽掉小舟與相見能重其人延入城不可曰某已有

誓不踐入公門矣薛移舟赴之話道永日不宿而去

**三尚**

石晉鄭雲叟本名遨弃家入少室山闢西嶽有五

粒松脂淪入地千歲化為藥能去三尸因居華陰與李

道陰羅隱之友善時人目為三高士道殷有釣魚之術

鈞而不餌，又能化石為金，無所不至。雲叟目擊其事，而不求。續世吳興長興縣西南有王寶，深廣皆二丈，色紺碧，來井。唐處士鄭遨與羅隱道士李道殷築屋泉石，三隱。

**張令問**，本唐興人，隱居不仕。號天國山人，與杜光庭詩云：試問朝中為宰相，何如林下作神仙。一壺美酒一爐藥，飽聽松風白晝眠。孟蜀辛酉歲有隱迹於陶沙者，文谷禮遇之，嘗賦詩曰：九重天子人中貴，五等諸侯閭外尊。似布衣雲外客，不將名字掛乾坤。

**絕意世事**，史虛白，字畏名，兩游九江，至落星灣，家焉。往來廬山，絕意世事，保大物。元宗南遊，至蕪澤，虛白迎謁。

道傍元宗勞問，令誦近詩，曰：風雨兩撥却屋，全家醉不知。元宗變魚賜粟帛，上樽酒。徐鉉高越謂之曰：先生高不可屈，盍使二子仕乎？虛白曰：野人有子，賢則立功業，以道事明主，則負薪捕麋，以養其母，僕未嘗介意也。不敢以累公。鉉越媿嘆。江南別錄南唐書無後段

**荆臺隱士**，梁震，唐末登第，開平間歸蜀，過江陵，高季昌愛其才識，留之。震終身止稱前進士，季昌甚重之，以為謀主，呼曰：先輩。後從誨時，震曰：先王待我如布衣交，以嗣王囑我，今嗣王能自立，不墜其業，吾老矣，不復事公矣。遂固請退居，從誨為築室於土洲，震披鶴氅，自稱詞臺隱士，每詣府，跨黃牛至廳事，從誨時過其家。

**灌園**蘇雲卿少與張浚為交紹興間來豫章東湖結廬  
灌園人莫測也浚為相屬豫章帥及漕親為致之漕  
密物色得灌園蘇翁因更服入其圃案上有西漢書意  
是雲卿也扣其卿里徐曰廣漢客曰張德遠翁當識之  
曰然何如人曰賢人也第長于知君子短于知小人  
有餘而才不足因問張今何官客曰今朝廷起張公然  
了此事翁曰恐未便了得在客起致張意因出書幣翁  
意色若自咎者二客力請共載辭以詰朝上謁旦伺之  
翁已遁矣帥漕復命浚拊几嘆悔作歲識之宋文  
**退休**楊萬里退休十有六年寧宗初與朱元晦同召揚  
不起宋與書速之揚大意不出有江風山月之贊

醫

**赭鞭**黃帝赭鞭鞭百草盡知其平毒寒溫之性臭味所

主以播百穀故號神農皇帝神農神農拖赤鞭而歐毒

揚桐藥黃帝使岐伯嘗味草木與醫療疾合經方本草

之書咸出焉帝王世紀岐伯祖世之師曰饒貸季素問神農嘗

草殆死者數十黃帝稽首受針于岐伯

**巫咸**巫咸以鴻術為帝克之醫郭廣劉聰信用王

沉等誅王琰等陳元達等諫曰陛下心腹四肢無處無

患後誅巫咸戮扁鵲臣恐成桓侯膏肓之疾後雖欲療

之其如病何載巫彭作醫呂氏春秋古醫曰苗父魏

媵理扁鵲見蔡桓公立有間扁鵲曰君有疾在腠理不

治將恐深桓侯曰寡人無病扁鵲出桓侯曰醫之好治  
不病以為功居十日扁鵲復見曰君之病在肌膚不治  
將益深桓侯不應扁鵲出桓侯又不悅居十日扁鵲復  
見君之疾在腸胃不治將益深桓侯又不應扁鵲出桓  
侯又不悅居十日扁鵲望桓侯而還走桓侯故使人問  
之扁鵲曰疾在腠理湯熨之所及也在肌膚鍼石之所  
及也在腸胃火齊之所及也在骨髓司命之所屬無柰  
何也今在骨髓臣是以無請也居五日桓侯體痛使人  
索扁鵲已逃秦矣桓侯遂死故良醫之治病也攻之於  
腠理此皆爭之於小者也夫事之禍福亦有腠理之地  
故曰聖人蚤從事焉

**則首**古扁鵲之

病也以刃刺骨聖人之救危國

以忠拂耳刺骨

痛在體而要在身拂耳故小

在心而久福在國

善病之人利在忍痛猛毅之君以

福拂耳忍痛故扁

盡巧拂耳則子胥不失壽安之術

也病而不忍痛則

大扁鵲之巧危而不拂耳則夫聖人

之意如此長利不

逐垂功名不火立

**上池水**扁鵲者姓

奈氏名越人長桑君過扁鵲於室間

與語曰我有禁方

年老傳與公乃出其懷中藥予扁鵲

飲是以上池之水

三十日當知物矣乃悉取其禁方盡

書與扁鵲扁鵲以

其言飲藥三斗日視見垣二旁

此視病盡見五藏

癥結持以診脉名耳為醫或在

或在趙在趙者。扁鵲扁鵲以醫術名聞天下。隨俗為  
變。秦太醫令李斯自知伎不如扁鵲。使人刺殺之。  
周禮釋文云。八記扁鵲姓秦。名少徐。越人。然扁鵲對  
說中庶子云。止齊勃海。秦越人也。家在於鄭。是自言  
也。而釋文引。又何所本耶。

**血脉治**

晉昭公。有趙簡子疾。五日不知人。扁鵲入視病。

出董安于問扁鵲。扁鵲曰。血脉治也。昔秦穆公嘗如此。

七日而寤。云。今王君之病。與之同。不出三日。必間。間必

有言也。居二日。于簡子寤。語諸大夫云云。史五  
見天

索隱曰。案左氏簡子專國在定頃。三公之時。非當昭

公之世。且趙家叙此事。亦在定公之初。

**能生死人**

扁鵲過魏。魏太子有病。問下曰。能

之中庶子入報。魏君出見扁鵲。扁鵲曰。太子之病。所謂  
尸厥者也。乃使弟子子陽厲鍼砥石。使子豹為五分之  
熨。以八減之。齊和。莫之以。更熨兩脅。下太子起。坐。更適  
陰陽。但服湯二旬。而復故。故天下盡以扁鵲為能生死  
人。扁鵲曰。越人非能生死人也。此道當生者。越人不能  
之起耳。史

索隱曰。案傳云。魏是晉獻公所滅。先此百二十餘

年。此時安得有魏。此云魏太子。非也。然案魏後改稱

郭。春秋有郭公。蓋郭之太子也。春秋郭公在。益二

十四年。晉之滅魏。魏公醜奔京師。在僖五年。安得魏



後改邪也

詭苑扁鵲過趙太子與魏太子事同然頃公十三年  
簡子不知人定公十二年毋郵為太子時別無趙  
扁鵲又有別適耶

**言之好利**

扁鵲過齊齊桓侯客之入朝見曰君有疾在

腠理不治將深桓侯曰寡人無疾扁鵲出桓侯謂左右  
曰醫之好利也欲以不疾者為功云事與蔡桓同

索隱曰案傳玄曰是時齊無桓侯裴網云謂是齊侯  
田和之子桓公午也蓋與趙簡子頗亦相當

簡子晉頃公九年莊位與田常同時和田常曾孫也  
至和子桓公午一甲三年安得相當也

**病在耳目**

扁鵲見秦武王示之病扁鵲請除左右

曰君之病在耳之前目之下除之未必已也將使耳不  
聰目不明君以告扁鵲扁鵲怒而投其石曰君與知之

者謀之而與不知者敗之使此知秦國之政也則君一  
舉而亡國矣秦策

**按扁鵲與趙簡子同時至是百三十年矣**

**昆弟善醫**

扁鵲兄弟三人並善醫魏文侯問曰子昆弟

三人孰最善對曰長兄視色故名不出家仲兄視毫毛  
故名不出門鵲鍼人血脉殺人毒藥故名聞諸侯

矣一扁鵲而所載互異史世家扁鵲傳更先後並詳  
韓非去簡子未遠止云古醫故實諸首云

晉景公疾求醫于秦秦伯使醫緩為之未至  
公憂疾為二醫子曰彼良醫也懼傷我焉逃之其一曰  
展膏之上膏之下若我何醫至曰疾不可為也在膏之  
上膏之下攻之不可達之不及藥不至焉不可為也公  
曰良醫也厚禮而歸之左成

晉平公疾秦景公使醫和視之出曰疾不可為也  
是謂遠男而近女趙文子曰醫及國家乎對曰上醫醫  
國其次醫人固醫官也國語趙孟曰良醫也厚其禮而歸  
之左

孔子有疾來公使醫視之醫曰居處飲食何如李  
曰臣之診也

飲酒不醉醫曰是良藥也

三折肱 梁丘據遇虺毒三旬而瘳齊君會大夫慶之衆  
賓復獻改療之方平我曰諸夫子意欲復有虺害當用  
之乎衆坐默然宰我以告夫子夫子曰汝說非也夫三  
折肱為良醫此言其方者稱其良也且以參據所以已  
之方之優劣也孔子荀寅范吉射將伐晉為公齊高彊  
曰三折肱知為良醫惟伐君為不可民弗與也

文摯齊人也齊威王病發使召文摯摯至謂

太子曰王病怒則愈王若即殺臣奈何太子曰無慮我  
當救之文摯於是時來見王及來不脫履而坐以

重怒王王叱而起疾乃遂已王大怒將烹之后及太子  
運爭之而不能得果以鼎生烹文學費之三日三夜顏  
色不變文學曰誠欲殺我則胡不覆之以絕陰陽之氣  
王使之復之文學乃死

呂氏  
至忠

**灸治**

子曰醫均者秦之良醫也為宣王割座為惠王

治痔皆愈張王之背腫請均治之均曰背非吾背也任  
子治焉醫治之遂愈均誠善治疾也張子委治焉夫為  
身與國亦猶此必有所以委治然後治矣

均音叩  
又音鷓

**四難**

郭玉少師程高學方診六微之技陰陽隱測之術

和帝時為太醫丞多有效應帝奇之玉仁愛不矜雖貧  
賤所養必盡其心力而醫治貴人時或不愈帝乃令貴

人羸服變處三針即愈玉即詰問其狀對曰醫之為  
言意也腠理至微隨氣用巧針石之間豪芒即乖神存  
於心手之際可得解而不可得言也夫貴者屢尊高以  
陪臣臣懷怖懼以承之其為療也有四難焉自用意而  
不任臣一難也將身不謹二難也骨節不彊不能使藥  
三難也好逸惡勞四難也針有分寸時有破漏重以恐  
懼之心加以裁慎之志臣意且猶不盡何者病或此  
其所為不愈也帝善其對

讚

**仲景方**

南陽張機字仲景總角造何顛謂曰君用思精

而韻不高後將為良醫卒如其言顛先識獨覺言無虛  
發至仲宣年十七嘗遇仲景仲景曰君有病宜服五石

湯不治且成後年三十當肩落仲宣以其貴長遠不治也後至三十果疾成竟肩落其精如此仲景在京師為名醫於當時為上手時以為扁鵲倉公無以加之何脈經十卷編序次張仲景方論編為三十六卷大行於世高湛養王叔和性沉靜好著述考覈遺文探摭群論撰成

**劉破腹背**華佗字元化一名粵遊學徐土兼通曉養性之術年且百歲而猶有壯容時人以為仙精於方藥處不過數種心識分銖不假稱量針灸不過數處若疾發結於內針藥所不能及者乃令先以酒服麻沸散既醉無所覺因劉破腹背抽割積聚若在腸胃則斷截前處

除去疾穢既而縫合得以神膏四五日創愈一月之間皆平復後虢中庶子曰上古俞跗治病不以湯液乃割皮解肌瀉腸胃漱滌五藏史記白帖詐越人救虢太子於既殞胡巫活絕氣之蘇武淳于能解腫以理腦元化能剝腹以濟胃文塾衍期以瘳危困仲景穿窬以納赤餅此但醫家猶能若是抱朴

**出眼腫**司馬景王嬰孩時有目疾宣王令華陀治之出眼腫割其疾而納之傳藥沈

**巴豆杏子丸**程據為太醫令武帝初受魏禪改元為太始而據貢雉頭裘帝以奇伎異服典禮所禁焚之于殿前據以醫術承恩出入禁闥因為賈后合巴豆杏子丸

害慈懷太子遂就戮焉

晉書

**自利利人**

于法開深思孤發妙道醫法或問法師高明

剛簡何以醫術經懷答曰明六度以除四魔之病調

候以療風寒之疾自利利人不亦可乎

高僧傳

**八毒丸**

許永為豫州刺史鎮歷陽其弟得病心腹堅痛

居一夜忽聞屏風後有鬼言何不速殺之明日李子豫

當以赤丸打汝汝即死矣腹中鬼對曰吾不畏之及旦

遂使人迎子豫既至病者忽聞腹中有呻吟之聲子豫

遂於巾箱中出八毒赤丸與服之須臾腹中雷鳴彭轉

大利所病即愈

續搜神記

**鬼遺方**劉涓子於丹陽郊外較射忽有二物高二丈許

日射而中之走如雷漸近其處

十人尋其踪跡至山下見雲霧

人昨夜為劉涓子所射取水以洗瘡因問主人是誰答

曰是黃父鬼乃依小兒還未至聞搗藥聲遙見三人

人卧一人閱書一人搗藥即齊聲叫突而前三人並走

遺一帙癰疽方

一曰藥時涓子得之從宋武帝此征

有被創者以藥塗之随手而愈論者謂聖人作事天必

助之蓋天以此授武帝也涓子用方為治千無一失

為十卷號曰鬼遺方

龔慶宣鬼遺方序

**通靈**

錢塘徐秋夫善治病宅在湖溝橋東夜聞空中呻

吟聲甚苦秋夫起至呻吟處問曰汝是鬼邪何為如此

饑寒須衣食邪抱病須治療邪鬼曰我是東陽人姓蘇  
斯平昔為樂游吏患腰痛死今在湖北雖為鬼苦亦如  
生為君善醫故來相告秋夫曰但汝無形何由治鬼曰  
但縛茅作人按穴鍼之秋夫如其言為針四處又針脊  
脊三處設祭而理之明日見一人來謝曰蒙君療疾復  
為設祭除飢解疾感惠實多忽然不見當代服其通靈  
秋夫宋元嘉六年為奉朝請齊諧記  
**天使謝善**孫法宗忽苦頭痛夜有女人至曰我是天使  
來相謝行劄本不問善人使若誤相及但取牛糞者傳  
之即驗一傳便痊一境賴之宋

**蘇宗善**徙離公孫奉憲發背伯宗為氣針之延

置齋前柳樹上由而離消相連便愈一痛如奉天稍  
稍長二十餘日痛大減爛出黃赤汁針餘樹為之安損

南史

**靈府**許智藏高陽人少以醫術自遊陳亡入隋使詣揚  
州會秦王俊有疾上馳召之夜夢其亡妃崔氏泣曰本  
來相迎如聞許智藏將至其人若到當必相苦為之柰  
何明夜俊又夢崔氏曰妾得計矣當入靈府中以避之  
藏至為俊診脉曰疾已入心即當發瀆不可救也奉如  
言俊數日而薨隋書

**名手別脉**許胤宗醫術若神或謂曰公何不著書以傳  
將來胤宗曰醫者意也在人思慮又脉候幽微言其難

別意之所解口莫能宣且古之名手唯是別脉脉精別  
然後識病夫病之於藥有正相當者唯須單用一味直  
攻彼病藥力既純病即立愈今人不能別脉莫識病源  
以情臆度多安藥味譬之於獵未知兎所多發人馬空  
地遮圍或冀一人偶然逢也如此療疾不亦踈乎假令  
一藥偶然當病復其他味相和君臣相制氣勢不行所  
以難差諒由於此脉之深趣既不可言虛設經方豈加  
於舊故不能著述耳

舊唐書  
錄

**醫王**本草序云醫王子姓常名古字老師元是疎勒國  
得道人也身被毳袍腰懸數百葫蘆頂戴紗巾手持藥  
杖常以一黑犬同行壽年五百餘歲洎開元中孟夏之

月有人患患稍多疼困師發願心存目想遂普施藥餌  
無不痊平觀之者便愈後乃圖形供奉皇帝敬禮為藥  
王菩薩神仙傳云昔堯舜之時股湯之際周秦以後大  
漢至唐凡五度化身來救貧病其大化為黑龍背負老  
師冲天而去

翻釋  
名義

**福醫**王彥伯自言醫道得行列三四竈煮藥於庭老幼  
塞門而請彥伯指曰熱者飲此寒者飲此風者飲此氣  
者飲此各負錢帛來酬無不効者

國史  
補

**六系六淫**虞少卿洮蜀之上醫也長興初佐蜀董大尉  
璋父患渴疾造求醫孟蜀遣虞卿而往董公曰璋之所  
患經百名醫而無微差何也虞卿對曰君之疾非僅渴

衆而似渴士得其多士不勞藥石而自愈矣董公失脫時董公有面南之志虞卿故以譏之又曰兆聞天有大氣降為六淫淫生六疾攻於六腑六氣者陰陽風兩晦明也是以六陰隨馬六疾者寒熱末腹惑心也是以六腑隨馬故髀為離宮腎為水藏晦明勞役百疾生焉大此視聽至煩皆有所損心煩則亂事煩則變機煩則失兵煩則反五音煩而損耳五色煩而損目滋味煩而生疾男女煩而減壽古者男子莫不戒之君今日有萬思時有萬機樂淫於外女淫於內渴之難療其由此乎董公疾既平傳本是厚禮也

筆頭

筆頭

筆頭

筆頭

筆頭

筆頭

到醫官言須鍼刀問方得遺瀆破公主聞用鍼刀哭不肯治痛逼水穀不入忽有草澤醫曰某不使鍼刀只用筆頭蘸藥癰上霎時便潰公主喜令召之方兩次上藥遂潰出膿血二盞餘便覺兩日瘡無事令供其方醫云乃以鍼繫筆心中輕輕劃破其潰散耳別無方言醫者意也以易取效耳

名醫錄

**不用古方**張元素字潔古學醫夜夢有人用大斧長鑿鑿心開竅納書數卷於其中自是洞徹其術治病不用古方其說曰運氣不齊古今異軌古方新病不相能也自為家法云

金史

**選名**

夫醫者非仁愛不可託也非聰明理達不可



任也非廉潔淳良不可信也是之古之用醫必選名  
之後其能能仁恕博愛其智能寬暢曲解能知天地神  
祇之次能明性命吉凶之數處虛實之分定逆順之節  
原疾痼之輕重而量藥齊之多少貫微達幽不失細小  
如此乃謂良醫且道家則尚冷以草木用於生醫家則  
尚溫以血脉以煥通徒知其大趣不達其細理不知剛  
柔有輕重節氣有多少進退盈縮有節却也名醫達脉  
者求之寸口三候之間則之矣度節氣而候溫冷泰  
脉理而合輕重量藥石並之矣應此可謂名醫醫有名而  
不良者有無名而良者之矣醫必泰然而隱括之

**異名**

天狗入參也天狗薑蒲也天牛雌黃也天平雄黃

天鼠防風也月精雲母也地髓地黃也道人頭蒼耳菜

更別名秋子古人謂木為山精兎綏兎絲也海胡王使

者羗活也史其草市語名因老說假君子牽牛也含

丸使者花椒也丸日三官六菜更也時美中蔣蘿也魏

去疾阿魏也骨鯁元君草之解也野父白頭翁也王虛飯

龍腦也黑龍衣鱉甲也沙山髓黃精也黑聲虎大黃也

草兵巴豆也琥珀孫松脂也一寸樓臺蜂窠也八月珠

苗香也吉祥柎桔梗也丑寶牛黃也化米先生神龜也

混沌螟蛉寄生草也清異錄丹山魂雄黃青要女空青

**不同**于志寧與司空李勣修定本草并圖合五十四

方中論  
篇曰昔陶弘景以神農經合雜家別錄注名言之江南  
偏方不周曉藥石往往純繆四百餘物今考正之翻

**樂龍中物**元行冲狄仁傑器之嘗謂仁傑曰下之事王

警富家儲積以自資也肺腊膜膜以供滋膳參朮芝桂  
以防疾痰門下克旨味者多矣願以小人備一藥石可  
乎仁傑笑曰此正吾藥籠中物也

**樂疾**夫三牲五穀稟五行以生也發為五味天地生之

所以奉人聖人節調以致康強若乃藥劑餌者所以禦

疾豈常進之餌哉裴麟傳

**對脉**官中以診脉為對脉大中

**桐君**門擅桐君之術家傳世之方術葛洪有金匱方

卜筮

**龜筮**龜為卜筮為筮卜筮者先聖王之所以使民信時

日敬鬼神畏法令也所以使民決嫌疑定猶豫也故曰

疑而筮之則弗非也曲禮著龜者禽獸草木之久而能知

吉凶也洪範五行傳乾草稿骨衆多獨以著龜何龜之言又

也著之言者也白虎通大卜官各以牲祠龜策金以牲血

謂之爨者龜甲所以下也著草所以筮也蔡邕章句

**法天地**卜者以法天地象四時順於仁義分策定卦其

式正綦然後言天地之利害事之成敗昔先王定國必

先龜策日月而乃敢代正時日乃後入家產子必先告

吉凶後乃有之自伏羲作八卦周文王演三百八十四

天中記  
卷四十一  
三十一

交而天下治勾踐傲文王八卦以破敵國霸天下史記  
**三兆**太卜掌三兆之灋一曰巫比二曰巫式三曰巫目  
周禮杜子春云王兆帝顓頊之兆瓦兆帝堯之兆原兆有  
周之兆

**始筮**庖犧氏作始有筮古史考伏羲得神著而定皇策

禹元古司恠主卜元命正威作筮世本

**飛燕**梁元帝洞林序云周王白雉之筮殷人飛燕之下  
著名聚雪非闕北極之山卦有密雲能擁西郊之氣

**占于熒惑**昔者桀筮伐有湯唐而枚卜占于熒惑云不  
吉不利出征惟利安處後漢書狸我為鼠勿用作事恐傷  
其父

**遇太公**西伯將出獵卜之曰所獲非龍非虎非龍非虎非龍

所獲霸王之輔於是周齊世西伯獵果遇太公六韜曰

文王卜田史編曰卜田用陽將大得焉非熊非罴非虎

非狼兆曰得公侯天遺以師以之佐昌施及三王夫吉

千字文呂望非熊或者以為誤豈止據史記耶

**卜居**昔周成王之卜君成周也其命龜曰予一天燕有

天下辟就百姓敢無中土乎使予有罪則四方伐之無

難得也周公卜居曲阜其命龜曰作邑乎山之陽賢則

茂昌不賢則速亡季孫行父之戒其子也曰吾欲室之

俠於兩社之間也使吾後世有不能事上者使其替之

益速如是則曰賢則茂昌不賢則速亡安在擇地而封

哉或示有天固也

說苑至公

**決疑**楚伐鄭莫敖曰盍請濟師於王對曰師克在和不在衆商周之不敵君之所聞也成軍以出又何濟焉莫

敖曰卜之對曰卜以決疑不疑何卜遂敗鄭師於蕭

左桓

**筮短龜長**初晉獻公欲以驪姬為夫人卜之不吉筮之

吉公曰從筮卜人曰筮短龜長不如從長弗聽立之生

奚齊僖四韓簡告惠公曰龜象也筮數也物生而後有象

象而後有滋滋而後有數五杜注云龜象筮數故象長

數短

**遷**邾文公十遷下釋史曰利於民而不利於君邾子

曰苟利於民孤之利也天生民而樹之君以利之也民

既利矣孤必與焉左右曰命可長也君何弗為邾子曰

命在養民死之短長時也民苟利矣遷也吉莫如之遂

遷于繹五月邾文公卒君子曰知命文子

**為崇弗祭**楚昭王有疾卜曰河為崇王弗祭大夫請祭

諸郊王曰三代命祀祭不越望江漢雒漳楚之望也禍

福之至不是過也不穀雖不德河非所獲罪也遂弗祭

孔子曰楚昭王知大道矣其不失國也宜哉

**偶筮得旅**仲尼魯人生不知易本偶筮其命得旅請盍

於商瞿氏曰子有聖知而無位孔子泣而曰天也命也

鳳鳥不至河無圖至嗚呼天命之也嘆訖而息志

天中記

卷四十四

**乘舟而來** 孔子使子貢往父外而不來孔子謂弟子占之遇鼎皆言無足不來顏子掩口而笑子曰面也西謂賜來也曰無足者乘舟而來賜至矣清朝也子貢果朝至驗如顏回之言衝波傳

**鼎折足** 魯將伐越筮之得鼎折足子貢占之以為凶何則鼎而折足行用足故謂之凶孔子占之以為吉曰越人水居行用舟不用足故謂之吉魯伐越果克之論衡

**筮賁欸然** 孔子常自筮其卦得賁焉欸然有不平之狀子張進曰師聞卜者得賁卦吉也而夫子之色有不平何也孔子對曰以其離耶在周易山下有火謂之賁非正色之卦也夫賁也黑白宜正焉今得賁非吾兆也吾

聞丹漆不文白玉不雕何也賁有餘不受師故也

**病小** 孔子病子貢出小孔子曰子待也吾坐席不敢光

居處若齋飲食若祭吾卜之久矣莊子

**陽** 孔子修春秋九月而成卜之得湯讓之卦孔

均云夏殷卦名

**龜數災** 趙嘗鑿龜數筮而北代燕將劫燕以逆秦北

曰大吉始攻大梁而秦出上黨矣兵至釐而六城拔矣

至陽城秦拔鄆矣龐援掄兵而南則鄆盡矣臣故曰趙

龜雖無遠見於燕且宜近見於秦秦以其大吉辟地有

實救燕有名趙以其大吉利削去得注不得意而死又

非秦龜神而趙龜欺也韓非

鄒忌與田忌不相善公孫閱謂鄒忌曰何不許令人操千金斗於市曰我田忌之人也吾三戰而三勝其辭於三之所鄒忌從之田忌懼無以自白遂率其徒攻臨菑欲殺鄒忌不勝而奔春秋後語

**法天象時**司馬季主卜于長安市宋忠賈誼謂之曰何居之卑何行之汙季主捧腹大笑二君曰夫卜筮者世俗之所賤簡也世皆言曰夫卜者多言誇嚴以得人情虛高人祿命以說人志擅言禍災以傷人心矯言鬼神以盡人財厚求拜謝以私於己此吾之所耻季主曰夫卜者必法天地象四時順於仁義分策定卦按式正茶

然後言天地之刑賞重之天星者之為業也積之無委藏之不用府庫徒之不用輜車負裝之不重止而用之無盡索之時持不盡索之物游於無窮之世雖莊氏之行未能增於是也子何故而云不史記

**賤業惠衆**嚴君平下筮於成都市以為筮者賤業而可以惠衆人有邪惡非正之問則依筮為言利害與人子言依於孝與人弟言依於順與客臣言依於忠各因執導之以善從吾言者已過半矣裁日聞數人得百錢足自養則閉肆下簾而按老子博覽亡不通依老子嚴周之指著書十萬餘言漢書聖人上原道德之意下按天地之心崇高顯榮吉祥盛德深閔若大尊寵窮極

莫大乎生萬物陳列奇雜珍寶金玉珠璧利深得巨  
莫大乎身禍世之匠亂國之工絕逆天地傷害我身  
莫大乎名生橋長溢困民貧國擾濁精神使心多欲  
叛天違道爭為盜賊天下不親世多兵革莫大乎貨  
故得之與亡或病或利得名得貨道德不居神明不  
留大命以絕天不能救失名失貨道德是祐神明是  
助明顯自然富配天地故細身大名未可與論至道  
也輕身重國未可與圖利也君平老子指歸  
此段非下筮事以所見者少故附之

**青蓋入洛**陸抗之克步聞孫皓意張乃使尚廣筮示天  
下遇同人爻顯對曰吉庚子歲吉置當入洛陽故筮示

其政乃常有窺上國之志

**一**晉元帝以丁丑歲稱晉王置宗廟使郭璞筮之云  
二百年自丁丑至劉裕禪之歲年在庚申為一百四  
然丁丑始係西晉庚申終入宋年所餘惟一百有二  
僕蓋以百二期促故婉而倒之為二百也其驗如此

**元**庚翼幼時嘗令璞筮公家及身卦成曰立始之末  
山傾長順之初子凋零及康帝即位將改元為建元  
謂庾冰曰子忘郭生之言邪立始建元也立山上名  
號不宜用冰撫心歎恨帝崩何克改元為永和庾翼  
天道精微乃當如是長順者永和也吾庸得說乎其

**自卦知凶** 郭璞每自為卦知其凶終嘗行建康柵塘逢

一趣步少年便牽住脫絲布袍與之此人乃受及當死

果此人行刑傍人皆為求屬璞曰我託之久矣此人為

之歎歎哽咽續搜神記

**別龜甲** 柳世隆善卜別龜甲價至萬永明初世隆曰永

明九年我亡後三年丘山崩齊亦於此季矣屏人命與

籤李黨取筆及高湛履題蕪箔推曰永明十一年因流

弟謂黨田汝當見吾不見也齊

**鬼賊所留** 梁武昌太守朱買臣聞元帝議遷都入勸梁

王云建和舊都... 宅額陸...

勿疑致後悔也臣家在荊州道不願陛下但恐是臣官

貴非陛下富貴耳乃召卜者杜景豪決去雷遇兆不吉

答曰未去景豪退而言曰此兆為鬼賊所留也三國典畧

**後生可畏** 釋曇遷俗姓王氏年十三初學於舅氏權會

授以周易隨言即曉始學其半終果自通有一姬失物

就會決之得兌卦會令遷試辨之遷曰若知卦判定失

金釵媼驚喜曰實如所辨遷曰兌是金位字脚兩垂似

於鈇象耳舅曰更依卦審悉盜者為誰對曰夫者西家

白色女子奉口總角可年十四五者將去尋可得之後

如言果獲有問其故遷曰兌是西方少女之位五色分

方西為白也兌字上點表總角之象內有尖形表奉曰



之相推測而知非有異術曷乃釋策而嘆曰方驗後生  
可畏宣尼不誣矣續高僧傳

**筮遇乾** 宋景業明周易為陰陽繡候之學齊文宣侯  
相在晉陽還至并州令景業筮遇乾之鼎景業曰乾君  
也天也易曰時乘六龍以御天鼎五月卦也宜以仲夏  
吉辰順天受禪或曰陰陽書五月不可入官犯之卒於  
其位景業曰此乃大吉王為天子無復下期豈得不終  
於其位帝大悅北史

**三錢並舞** 長慶時鄴中有五明道士者善陰陽曆教尤  
攻卜筮成德軍節度田弘王時王廷湊為部將遣使於

鄴請五明定野生亦世源為中之卦成而

**舞良方** 乾變為坤

土也大夫將校共推庭湊民大變弘正為亂兵

矣宜速歸乎及還家未踰旬奏既立甚有治聲在位

所害士大夫將校共推庭湊十二年子孫繼立至趙王銘出

初廷奏之立也遣人就鄴迎五明置於府曾從容問已五世六姓一百餘年滅

將來祿壽道人曰三十年願明公竭節動王保神蓄氣必享殊壽後裔兼有二王春秋所謂五世其昌入世之

後莫之與京公曰素無勲德此豈非所敢望因以數百金為壽二王景崇封常山王鉉為趙王也

劉關初登第詣卜者胡盧生筮卦以質盧生筮卦以質

金為壽二王景崇封常山王鉉為趙王也耳

劉關初登第詣卜者胡盧生筮卦以質盧生筮卦以質

劉關初登第詣卜者胡盧生筮卦以質盧生筮卦以質

劉關初登第詣卜者胡盧生筮卦以質盧生筮卦以質

夔晉卦成謂劉闢曰自此三十年後在西南然不得善  
終闢留東素與之釋楊從書事於西川至御史大夫軍  
司馬既二十年常病命闢入奏請益東川如開元初之  
制詔未允闢乃微服單騎復詣胡蘆生筮之生操著成  
卦謂闢曰吾二十年前嘗為一人卜乃得無妄之隨今  
復前卦得非襄賢乎闢問之即依阿唯諾生曰若審其  
人禍將至矣闢甚不信乃歸蜀果後憲宗擒戮之  
**易聖**昭宗時有董賀者自云肇洛人也因避地來沙河  
遊趙家於常山以卦筮為業而言吉凶必效時人謂之  
易聖公留滌魯請之生謂曰君他日必成偉器然勿以  
為

**龜精**錢元懿終年六十六板元懿之為新定有士方生  
時人號為龜精嘗疏卜辭以貽之疏曰太二接天河金  
華寶貝多君侯六十六別處下  
史備過至是皆如其言

**精誠**陸龜蒙雜說季札以樂卜孟孟以詩卜襄仲歸父  
以言卜子游子夏以威儀卜沈尹氏以政卜孔成子以  
禮卜其應也如響無他圖在精誠而已不精誠者不能  
自卜况吉凶他人乎

**蠱卜**蘇秦事鬼谷子學終辭歸道乏困行以燕人蠱卜  
傳說自給春秋後語

**雜卜**卜之流雜書傳虎卜紫姑卜半蹄卜灼骨卜寫卜

天口記

四十一

雖不法於著龜亦有可以稱者北戶邕州南有鷄卵卜

卵卜嶺表凡小事必卜名雞卜雞卜米著卜牛骨卜

鷄卵卜田螺卜篾竹卜番馬雞編

鷄卜時滅南越越人勇之言越人俗信鬼昔東甌王殺

鬼壽至百六十歲後世謾怠故衰耗乃令越巫立越祝

祠而以雞卜上信之越祠雞卜始用焉史記御覽引史武

帝令越巫立越祝祠而以雞卜上信之誤

謀及著龜者聖人之所用也書曰女則有大疑謀及卜

筮易曰定天下之吉凶成天下之亹亹者莫善於著龜

及至衰世解於齊戒而婁煩卜筮神明不應故筮瀆不

吉易以為忘龜獸不吉詩以為刺漢藝文志

**非卜前知**汾州有易生非卜筮而前知柳公綽嘗稱之

易曰僕射只怕八井後果於并州遇疾柳氏家

日者墨子比之齊遇日者日者曰帝以今日殺黑龍於

北方而先生之色黑不可以比墨子不聽遂北至淄水

墨子不遂而反焉日者曰我謂先生不可以比古史

占候卜筮通謂之日者史注

**命書**李虛中字常容學無所不通最深於五行書以人

之始生年月日所直日辰支干相生勝衰死旺相對酌

推人壽夭貴賤利不利輒先處其年時有不失二集

說汪洋奧美參錯重出學者就傳其法集

**包在自馬**李賁皇初掌北門奏記有日者說曰公危集

天中記

位極人臣但厄在白馬爾及登相位雖親族中亦未有  
畜白馬者會昌初入廟堂專持國柄然性多忌刻當金  
之士有不協者必遭譴逐翰林學士白敏中大懼遂  
給事中常弘景上言相府不合無領三司錢穀專政大  
是武宗由是疑之及宣帝即位白自內庭登庸出德裕  
為荆南節度使旋屬淮南李相有吳汝納之獄上刑部  
侍郎馬植專鞫其事盡得德裕黨庇之迹因是坐罪竄  
南海歿而不返厄在白馬其

**按**

太尉衛國公為并州從

**平**

賈氏

職未旬月忽有玉山

人者詣門請與坐

其也公初未之

寺因

何之生

與公借坐於西廡下頌之王生曰可驗矣越上書八  
甚大且有楷注曰位極人臣壽六十四王生遂請歸竟  
不知所去及會昌朝三策一品薨於海南果符王生所  
按之年松憲

**輓**

西川費孝先善輓章世皆知名有太名人王晏因

貨殖至成都求為卦孝先曰教住莫住教流莫先一石  
穀搗得三斗米遇明即活遇暗即死再三戒之令謂此  
數言足矣晏志之及行途中遇大雨憇一屋下聽人盈  
塞乃思曰教住莫住得非此邪遂冒雨行未幾屋頭覆  
獨得免焉晏之妻已私鄰比欲講終身之好俟旋歸將  
致毒謀晏既至妻約其私人曰今夕新沐者乃夫也

欲捕乎是洗沐重易巾櫛是語曰殺洗莫洗得非此也  
聖不從婦怒不省自沐夜半反被害既覺驚呼隣里共  
視皆罔測其由遂被囚繫拷訊獄就不能自辯郡守每  
狀是泣言死即死矣但孝先所言終無驗耳左右以是  
語上達郡守守命未得行法呼是問曰汝鄰比何人也  
曰康七遂遣人捕之殺汝妻者必此人也已而果然因  
謂僚佐曰一石殺搗得三斗米非康七乎由是辯雪誠  
遇明即活之効搜神晉書符融辯董豐馮昌事相類

**驗於事後**

自至和嘉祐以來費孝先以術名天下士大  
夫無不作卦影而應者甚多獨王平甫不喜之嘗謂人  
曰占卜本欲前知而卦影驗於事後何足問耶

東軒筆錄

**測字**

謝石潤夫成都人宣和間至京師以拆字言人

福求相者但隨意書一字即就其字離拆而言無不奇  
中者名聞九重徽宗因書一朝字令中貴人持往試之  
石見字即端視中貴人曰此非觀察所書也然謝石賤  
術據字而言今日遭遇即因此字點配遠行亦此字也  
但未敢遽言之耳中貴人愕然且謂之曰但有所據盡  
言無懼也石以手加額曰朝字離之為十月十日字非  
此月此日所生之天人當誰書也一座盡驚中貴馳奏  
翔日召至後苑令左右及宮嬪書字示之皆據字論說  
禍福俱有精理錫賚甚厚并與補承信即錄此四方求  
相者其門如市有朝士其室懷妊過月手書一

其夫持問石是日座客甚衆石詳視字謂朝士曰此閣  
中所書否曰何以言之石曰謂語助者哉馬乎也固知  
是公內助所書尊閣盛年三十一否曰是也以也字正  
為三十下為一字也然吾官寄此當力謀遷動而不可  
得否曰正以此為撓耳蓋也字有水則為池有馬則為  
馳今池運則無水陸馳則無馬之安可動也又尊閣父  
母兄弟近身親人當皆無一存者以也字着人則是他  
字今獨見也字而不見人故也又尊閣其家物產亦當  
蕩盡否以也字着土則為地字今又不見土也二者俱  
是也曰誠知所言之也乎朝士曰  
**賤室以棟柱**  
曰此皆非所問者但  
曰石曰是必十三

箇月也以也字中有十字并兩傍二豎下一畫為十三  
也石熟視朝士曰有一事似涉奇怪固欲不言則吾官  
所問正決此事可盡言否朝士因請其說石曰也字着  
虫為蛇字今尊閣所姓殆蛇妖也然不見蟲豸則不能  
為害謝石亦有薄術可為吾官以藥下驗之無苦也朗  
中大異其說固請至家以藥投之果百數小蛇而體平  
都人益共神之而不知其竟挾何術也

**太子**徽宗令中官索東宮書一字來乃以太字進又問

石石曰此天子也左右為大士詢謂何石曰太子點  
微橫此必太子也他日移置堂上豈非天守和正以金  
帶錫之

**問字** 徽宗書問字筆勢兩直飛開命一隸持往石客于側絨付之戒其到家方可發封隸歸奏上落讀乃曰左看是君右看是君聖人萬歲遂補承信即有道士聞其事亦以問字占石曰門雖大只有一口道士愕然蓋所住觀無他黃冠唯童僕數輩猶未以為奇復書器字情俗人往占曰人口空多皆在戶外於是大服之

**乃字** 謝石既歸蜀有士人文覺戲以乃字為問謂其無可拆也石曰及字不成君終身不及第石在徽宗時常特稱承信即後因范覺民作相討論追奪一日謂石我亦能拆字石詰之則曰尔姓謝所謂身在討論之中石則終身右 **能出頭聞者大笑** 二老

**杭字** 高宗未登極時册秋歲地止書二字令測曰土上一字王字也終王天下議都杭册書杭字曰元木又來元木金國大酋也後果再至 江

**春字** 高宗一日寫春字命相之其上半體墨重石曰春頭太重壓日無光時秦檜專權秦字春頭也日若象也檜聞其言以為為已發恨之求其罪竄遠州

**拆謝石字** 謝石既以相字著名常遊丹陽見道姑行市中執巨扇其上大書拆字如神石笑曰此術豈有勝我者何物老嫗敢爾呼入室書石字示之姑曰為名不處得召 退 逢皮則破遇卒則碎石視之不樂然心服其言明日訪所在無識之者蓋異人也建炎中石為剡路一

尉武將王進邀之飲使拆其名石曰家欲走若圖事必  
敗時進以謀叛結黨欲發不以其語為然將起亂之夕  
乳媪踰垣告官逮捕下獄始嘆息曰悔不用謝石之言  
郡守疑石同謀而知反不告亦逮治坐削籍黥配蓬州  
後詢王進鄉里乃滄州南皮且起於卒伍悉如道姑言  
石赴配所道復遇之道姑道姑靠山而立令石相之令  
倚山而立莫非仙乎道姑批其頰曰尔以多口致累仍  
復然乎自尔黥迹盡滅

**奇字**賈似道有異志有一術士能拆字賈以策畫地作  
奇字術曰公相之志不諧矣道立又不可道可又立不  
成賈默不語禮而遣之其事使人無諸途

**桑相**元相哥丞相元名桑亦桑相後延術者書桑字令  
測曰今已作相但欲知相位日月久近曰木字十八字  
也上有三箇十字在相位當有四十八箇月相哥不滿  
遂更名相哥復書相字令測曰目字橫看又是四字若  
是則橫直只四十八箇月至元辛卯正月取時其言果  
驗

**五星**張五星瞽而慧善辨寶玉能別婦人妍醜聞其聲  
咳扣問數語即知其人美惡情性趙信相逐相專得道  
姬妾并王器云癸辛雜志

巫

**以舞降神**巫祝也女能事無形以舞降神也象



舞形與工同意古者巫咸初作巫

**巫覡**古者民神不雜民之精爽不懣貳者而又能齊肅

衷正其知能上下比義其聖能光遠宣朗其明能光照

之其聰能聽徹之如是則明神降之在男曰覡在女曰

巫是使制神之處位次主楚周禮司巫掌群巫之政令

若國大旱則率巫而舞雩有男巫女巫

**桑田巫**晉侯夢大厲被髮及地搏膺而踊曰殺余孫不

義余得請於帝矣壞大門及寢門而入公懼入于室又

壞戶公覺召桑田巫巫言如夢公曰何如曰不食新

矣晉侯欲麥使甸人獻麥饋人為之召桑田巫示而殺

之將食張如廁墮而

**愚婦人**齊人

巫而奚若曰天則不而

已疏乎

**信巫**昔楚靈王驕逸輕下信巫祝之道躬儼壇前其人

來攻其國人告急而靈王鼓舞自若桓子新論

**何不告祀**哀公射而中稷其口疾不肉食祠稷而善

之巫官巫官變曰稷負五種託株而從天下未至於地

而株絕獵谷之老人張社以受之何不告祀之公從之

而疾去說苑

**鄴令巫**西門豹為鄴令鄴三老廷掾歲飲百姓錢為

河伯娶婦巫行視小家女好者浮之河上行數十里乃

沒鄴至呼河伯婦視之曰是女子不好煩大巫媪為入報河伯更求好女送之使吏卒抱大巫媪投河中復以弟子一人投河中越之有頃曰弟子何久也凡三投弟子復投三老河中記

**神巫**鄭有神巫曰李咸云今之死生存亡禍福壽夭期

以歲月旬日若神鄭人見之皆棄而徒子列

**巫咸**欲從靈氛之吉占兮心猶豫而狐疑巫咸將夕降

兮懷椒糈而要之離巫咸古神巫也當殷中宗之世椒

有物所以降神糈精米所以享神注

**巫陽**帝告巫陽曰有人在下我欲輔之魂魄離散汝筮

予之巫陽乃下招曰魂兮歸來些宋玉

**巫**班超使西域于閭王廣德聞超至禮意甚

其俗信巫巫言神怒何故欲向漢漢使有驪馬急求取

以祠我廣德就超請馬超許之而令巫自求取馬有頃

巫至超即斬其首送廣德因辭讓之東觀漢記

**中書兩口**董卓信巫軍中常有巫都言祈求福利言從

卓求布倉卒無布有手巾言曰可用耳便取書手巾上

你兩口一口大一口小相累以舉謂卓曰慎此也卓後

為呂布所殺明

**丹珠**夏統字仲御從父敬寧祠先人迎巫章丹陳珠

二人並有國色裝服甚麗善歌舞又能隱形匿影甲夜

之物擊鼓撞鍾間以絲竹丹珠乃拔刀破舌吞刀吐火

雲霧杳冥流光電發統諸從兄弟欲往觀之難統於是  
共給之俱行統入門忽見丹珠在中庭輕步回舞靈譟  
鬼笑飛觸桃拌酌酢翩翩統驚愕而走不由門破藩直

出

晉書

**宣教無虛** 義熙五年宋武帝北討鮮卑大勝進圍廣固  
軍中將佐乃遣使奉牲薦幣謁岱廟有女巫秦氏奉高  
人同縣索氏之寡妻也能降靈宣教言無虛唱使使者  
設禱因訪克捷之期秦氏乃稱神教曰天授英輔神麾  
所擬有征無戰蕞爾小虜不足制也到來年二月五日

**當寇**

**揚突**

惠薨謂由楊氏之力倍加敬信呼楊婆宋氏以來人間  
有楊婆見歌蓋此徵也武帝有疾又命楊氏日夜祈禱

齊書

**刻期得魅** 宋高祖永初中張春為武昌太守時人有嫁

女未及升車忽便失性出外歐擊人乘自云已不樂嫁  
俗人巫說是邪魅將女至江際擊鼓以術呪療春以為  
欺惑百姓刻期須得妖魅翌日後有一青蛇來到巫所  
即以大釘釘其頭至日中復見大龜從江來伏于巫前  
更以朱書龜背作符更遣入江至暮有大白龜從江中  
出乍沉乍浮向龜隨後催逼龜自分死冒來先入幔與  
女辭訣女慟哭云失其好姻自此漸差或問巫曰魅者

歸於一物今安得有龜蛇巫云蛇是傳通龜是媒人龜是其對所獲二物悉以示春春始知靈驗出明錄五行記

**奉神賜符**

宋文帝時務本業使宮內皆蚕欲以風勵天

下有女巫嚴道育夫為初坐没入奚官劭姊東陽公主應閣婢王鸚鵡白公主道育通靈主乃白上託云善蚕

求召入道育云所奉天神常賜符應時主夕卧見流光相隨狀若螢火遂入巾箱化為雙珠圓青可愛於是主

及劭並信惑之號曰天師後遂為巫蠱行弒逆而敗南史

**誠有暴禍**

魏道武開頗有學問曉天文先是有神巫誠

云當有暴禍惟誅清河殺萬民乃可以免開乃成清河

一郡常手自殺人欲令其數滿萬夜恒變易寢處人莫

能知惟愛妾名萬人知其處萬人與門子清河王私通

慮事覺欲殺開令萬人為內應夜伺開獨處殺之開臨

死曰清河萬人之言乃汝等也陳書

**妖妄**

顏之推曰吾家巫覡符章絕於言讖汝曹所見勿

**為妖妄**

家訓

**須水為信**

袁君正字世忠昂子也少聰敏以貴公子早

得時譽為豫章內史性不信巫有師萬世榮稱通術為

一郡巫長君正在郡小疾主簿能岳薦之師云須疾者

衣為信命君正以所看襦與之事竟取襦云神符送與

北斗君君王使檢諸身於衣裏獲之以為亂政即刺于

市而焚其神一郡無敢行巫南史十六

**衆鬼爲厲** 衛昭王爽討突厥明年徵爲幼言高祖甚重  
之未幾爽寢疾上使巫者薛榮宗視之云衆鬼爲厲爽  
令左右驅逐之數日有鬼物來擊榮宗榮宗走下階而  
斃其夜爽薨

**左道** 肅宗重陰陽鬼神之事或命巫媪行郡縣爲厭勝  
之術有拔人王瓌遂以左道爲相代宗亦篤信之凡所  
修築動牽禁忌而奸人黎幹得以左道尹京又內集衆  
工編刺珠綉爲御衣既成而焚以爲禳除且無虛月  
**分析山川** 肅宗嘗不豫太卜云崇在山川王與乃遣女  
巫分行天下祈祭名山大川巫皆盛服乘傳而行上令  
中使監之因緣爲姦所至巫詎長史以爲遺一巫盛

年而美以惡少年數十自隨尤爲蠱弊與其徒宿於黃  
州傳舍刺史左震晨至驛門扃鑰不可啓震破鎖而入  
曳女巫階下斬之所從惡少年皆斃閱其贓賂數十萬  
震籍以上聞仍請贓錢貸貧民租稅其車使發遣歸京  
肅宗不能詰

**月明致雪** 朔方先鋒突馬使南陽郡王白元晃與回紇  
合兵於涇州靈臺縣西共被吐蕃等斗餘萬衆初白元  
光等到靈臺縣欲探知賊勢爲月明思少陰梅迴統使  
師巫便致風雪及達明戰吐蕃盡寒凍弓矢皆墜被擄  
徐進元光與迴統隨而殺之

**天師** 會昌中晉陽令狄惟謙果公之善善爲政州境克

陽於晉祠者數旬無應有女巫郭者攻符術厭勝之道  
有監軍携至京師因緣出入宮掖其後告歸遂號天師  
既而亢旱甚境內莫知所為皆曰若得天師至晉祠  
則旱不足憂矣惟謙請於主師主師親自為請巫者許  
之惟謙迎自私室躬為控馬既至祠所盛設供饌自旦  
及夕立於庭下如此者兩日語惟謙曰為尔飛符于上  
帝請雨三日雨當足矣觀者雲集三夕雨不降又曰此  
土灾沴亦由縣令無德為尔再請七日當有雨惟謙引  
罪於已奉之愈恭及期又無應郭乃驟索馬入州宅惟  
謙曰天師已為百姓此來更乞祈禱勃然怒罵曰庸僧  
官人不知禮天時未肯下雨留我將復奚為惟謙謝曰

明日排比相送遲明郭將歸肴醴一無所設坐於堂上  
大怒惟謙曰左道女子妖惑日久當須斃此焉敢言歸  
叱左右曳於神堂前杖背三斗投於潭水祠後有極高  
遂令設席焚香端笏立於其上閩縣駭云長官打殺天  
師馳走者紛紜祠上忽有雲如車蓋覆惟謙遂迴四合  
雷震數聲井澤大澍數尺於是士民自山頭擁惟謙而  
下州將以專殺巫者初亦怒之既而嘉其精誠有感與  
監軍表言其事制書褒曰狄惟謙劇邑哀才惠臣華胄  
觀此天厲將殛下民當請禱於晉祠類投于郭縣曝山  
椒之畏景事等焚軀起天際之油雲法同翦爪遂使旱  
風潛息井澤旋流是天心猶鑒於克誠余志豈忘於褒

善特頒米紱俾耀銅章勿替令名更昭殊績賜章服拜  
錢五十萬後歷絳隰二州刺史所治皆有名稱

**任正**太僕卿常覲欲求夏州節度使有巫者知其所希  
忽詣之欲為禱祝常不知其詐擇日為壇手書官爵一  
道與之巫即大叫曰常覲有異志常大懼凡所玩用財  
物盡占之時崔沆充京尹有府囚叛獄謂巫者是其一  
輩里胥詰其衣裳忽異巫情窘乃具言其事既當申奏  
宣宗召覲至殿前獲明寃狀復召宰臣論曰常覲城當  
盛族昨為求官遂招誣謗無令酷吏加之罪德巫便付  
京兆處死常貶潘州司馬

雲溪友議

**為人延筭**唐長道曝山野間有巫白權師善巫卜至於

邪魅鬼怪隱伏逃亡地祕山嶽坐期死限罔不預知之  
或人請命則焚香呼請神僵仆於茵褥止奄然而逝移  
時方喘息瞑目而言其事一日於民家瞑目幹十指  
云筭天下死簿數其遐邇州縣死數甚多次及本州村  
鄉亦十餘人合死者內有豪士張夫子名行儒與焉大  
有急告行儒者聞而懼遂命之至謂張曰可以奉為牒  
闍羅山免之於是閉目於紙上書之半如篆書祝焚之  
既訖張以含胎馬奔奉之巫曰神只許其母子即奉還  
以俟異日所言本州十餘人筭盡者應期而歿惟張行  
儒免之及牒誕駒遂還其生其牒呼為和尚云此焉曾  
為僧不爾有是報自爾為人延筭者不少為人滿取地

下隱伏者亦多言人筭盡者不差數刻以至其家大害  
取民家牛馬資財遍山盈室王堂 閑誌

**祭**有里人為隣巫所惑謂當有災宜謝神乃殺家畜

釀酒聲鼓以祀時官禁屠牛私釀法甚峻又當國忌不

合動樂併犯三罪為吏所擒家長隣保皆抵重罪連及

數十人此乃禳災適所以致災也其愚如此因誌

**斬巫絕火**錢元懿牧新定一日間里間輒數處火起居

民頗憂恐有巫楊媪因之遂興妖言曰某所復當火皆

如其言民由是竟禱之元懿謂左右曰火如巫言巫為

火也宜殺之乃斬媪于市自此火遂絕吳越 備史

**恣為神語**錢僖年十七歲出為湖州刺史有妖巫登衙門

大樹恣為鬼神語人皆警畏僖曰妖由余興命王學而

射巫果請命因鞭之州人咸服

**命狗命子**齊有田果者命狗曰富命子為樂將欲祭也

狗入室果呼之曰富出巫曰不祥也家果大禍長子死

哭曰樂乎而不似悲也尸子

**靈山**大荒中有靈山巫咸巫即巫眠巫彭巫姑巫真巫

禮巫植巫謝巫羅十人從此升降百樂爰在山海經 今本

**何婆**唐張鷟在江南洪州聞土人何婆善琵琶卜與同

行人郭司法質焉郭再拜下錢問其品秩何婆乃調絃

柱和聲氣曰箇丈夫富貴今年得一品明年得二品後

年得三品更後年得四品郭曰何婆錯品少者官高焉

天中記 卷四十一



多者官小何婆曰今年減一品明年減二品後年減三品更後年減四品忽更得五六年總沒品郭大罵而起

朝野

食載

**來婆** 崇仁坊何來婆彈琵琶卜朱紫填門張鷟往觀之見一玉帶將軍下一匹細綾請卜來婆鳴絃柱燒香各眼而唱東告東方朔西告西方朔南告南方朔北告北方朔上告上方朔下告下方朔將軍頂禮告請甚多必望細看以决疑惑遂即隨意支配上

**神巫** 天寶初有范氏尼者知人休咎類魯公事公黨之親也魯公尉于醴泉請范尼問命曰神巫某官咄盡得五品否范笑曰鄰於一品類即所望何其卑耶魯公曰官

階盡五品着緋衫帶銀魚兒子補齋即某之望滿矣范指座上紫綵布簾曰顏即於衫色如此其功勞名節皆稱是壽過七十已後不要苦問魯公再三窮詰范曰顏即聰明過人問事不必到底及魯公為太師使于蔡州乃歎曰如范師姨之言吾命懸于戒心矣

戒幕測諶常侍言

**射丁侯** 武王伐殷丁侯不朝尚父乃盡下侯于策三旬

射之丁侯病大劇問卜者占云崇在周丁侯恐懼乃遣使者請武王請舉國為臣虜武王許之歸為太師尚父謂使曰歸矣吾已告諸神言下侯前畔義今已遣人乘降勿復過也此使者歸子之君所自愈矣使者辭去尚

父乃以甲乙日拔其頭箭丙丁日拔其目箭戊己日拔其腹箭庚辛日拔其股箭壬癸日拔其足箭及至丁侯病稍愈四夷聞之皆懼各以其職來貢越裳氏獻白雉太公金匱六韜止有甲乙丙丁戊己日拔箭云

**變人**劉安善用藥及符能令人含笑則為婦人蹙面則為老夫踞地則為小兒抱

**令人自縛**章帝時有壽光侯者能劾百鬼眾魅令人自縛見形帝聞而徵之曰吾殿下夜半後常有數人絳衣披髮持杖相隨豈能劾之乎侯曰此小恠易消耳帝偽使三人為之侯劾三人口預卧仆地無氣帝大驚曰非魅也朕相試耳解之而蘇狹神仙傳劉平子同

**不禁無刃**賀齊討山賊賊中有善禁者每當交戰官軍刀劍皆不得拔子弩射矢皆還自向輒致不利齊長情有思乃曰吾聞金有刃者可禁蟲有毒者可禁其無刃之物無毒之蟲則不可禁彼能禁吾兵必不能禁無刃物矣乃多作勁木白楮選有力精卒五千人為先登盡捉楮彼山賊恃其善禁了不嚴備於是官軍以白楮擊之彼賊禁者不復行所擊殺者乃有萬計抱

**禁目鏃出**陳顯達討桂陽賊出杜姥宅火戟破賊矢中左眼拔箭而鏃不出地黄村潘姬善禁以釘釘杜姬禹步作氣釘即時出乃禁顯達目中鏃出之抱

**刃傷不怒**張文詡常有腰疾會醫者自言善禁文詡令

禁之遂為刃所傷至於頓伏床枕醫者叩頭請罪謝遣  
遣之書

奏章

**朱書墮地**唐貞元初丹陽令王瓊三年調集皆黜落甚  
惋憤乃齋宿于茅山道士葉虛中求奏章以問吉凶虛  
中年九十餘彊為奏之其章隨香煙飛上縹緲不見食  
頃復墮地有朱書批其末云受金百兩折祿三年枉殺  
二人死後處分後一年瓊果得暴疾終獨異志

**探懷得文**李翱刺合肥郡郡嘗有李處士者自云能通  
神人之言合郡肅敬翱不信正覘處士來謁命械繫之  
明日處士背疽內潰通召醫藥無少瘳愛女十人環床

而泣自歸咎于文公之桎梏李生也公不得已解縲綬  
而叩於則曰若手翰一文俟夜當祈之又誠曰慎勿箋  
易鉛槧公即繫手草祝語繕札稍嚴而官位之中竟箋  
一字既逾時刻并符以焚焚畢呻吟頓戕黎明李生候  
謁公深德之生曰禍則見免猶謂遲遲誠公無得漏畧  
何為復注一字公曰無之生曰祝詞在斯因探懷以出  
示則昨夕所燼之文也公驚愕慚謝竟無所取旬日告  
別不知所往關史

**奎宿奏事**徽宗寶籙宮醮筵常親臨之一日醮醮其主  
醮道流拜章伏地久之方起上詰其故答曰適至上帝  
所值奎宿奏事良久方畢始能達其章故也上歎訝之

問曰奎宿何神為之所奏何事對曰所奏不可得知

為此宿者迺本朝之臣蘇軾也上大驚

庚漢諸話

**宋章命**咸淳十年度宗大漸大內建醮保安太乙宮唐

道錄行持唐素以禳奏精虔著名伏壇出神上至層霄

忽被罡風吹擊遂排神馭氣方得至魔王界內且為天

花下墜所壓復努力作法直造天門三天監門大神爰

行揮下乃默叩祖師張真君真君曰曾聞上帝勅命不

許受宋國章表但其辭意虔切不可抑遏乃命有司引

唐詣玉帝前通達議下界公事稠衆中見真官引致一

神衣裝皆如天帝但簪下髻髮耳後有斗數人各荷

青冊一擔在左下句候忽傳音云宋國人民疆上

一付汝神人者跪拜抵頷而退荷青冊人皆隨之傍

天丁謂唐某說宋國人數盡矣汝章之不達有由也唐

辭祖師還神不敢彰露丙子革命後方與人言

返魂

**少翁齊人**少翁以鬼神方見上上有所幸王夫人

卒少翁以方術蓋夜致王夫人及竈鬼之親云天子自

帷中望見焉於是乃拜少翁為文成將軍

王夫人漢書作李夫人桓譚新論同少翁新論作李

少君拾遺記作董仲君

**營陵人**漢北海營陵有道人能令人與已死人相死

同郡婦死已數年間而往見之曰願令我一死婦死

天中記 卷四十一

不畏矣道人曰卿可往見之若聞鼓聲即止  
其相見之術於是與婦言語悲喜恩情如生良久聞鼓  
聲恨恨不能得往當出戶時奄忽其衣裾戶間擊絕而  
去至後歲餘此人身亡室家葬之開塚見婦棺蓋下有  
衣裾殊異傳江淹擬潘岳詩我慙北海術爾無帝女靈  
**血疾**許至雍妻早亡雍每感嘆悲泣一日忽覺有人行  
吁嗟聲良久聞語云乃是亡妻云若欲得相見遇趙十  
四每惜三貫六百錢自此常記其言後數年至蘇州將  
謁吳太伯廟遇男巫趙十四具陳懇切之意遂教其見  
言語悲喜恩情如生良久趙生曰可去矣許相隨涕泣  
曰願其物可以為記其法曰冥惟有決可以傳于

人代令許雍一可移懸樹枝掩而大哭而去許取汗衫  
之背血痕也許痛悼數日不食趙生名柯蘇州人皆傳

其事靈異

**金衣**京兆常進士納洛妓頗惑之五年而卒生悲咽痛  
悼棄事而寐意其夢覩有言嵩山任處士有返魂之術  
常固求見之任曰須得一經衣之衣以導其魂常搜得  
一裙之金縷者任為致之無異平主任曰漚珠槿艷不  
必多懷遂去常為詩曰惆悵金泥簇蝶裙春來猶得伴  
行雲不教布施剛留得渾似初逢李少君唐詩

**八十不返**徐肇者徐温諸孫也蘇德哥為返祖先魂云  
死經八十一年以上即返之不可也瀕瀕

**立興巫** 鞠道龍善為幻術嘗云有東沅人黃公少青為術能制虎 虎佩赤金刀以絳繒束髮立興雲霧坐

成山河及衰老氣力羸憊飲酒過度不能復行其術京西

**伴死** 方士董仲君以事業獄伴死目陷虫爛故知以幻

術靡所不有又能鼻吹口歌聳肩動目荆州有鼻飲之

蠻南城有頭飛之夷非為幻也桓譚新論

**九賓樂** 安帝時作九賓樂舍利之獸從西方來戲於庭

入前殿激水化成比目魚嗽水作霧化成黃龍長八丈

出水遊戲於庭炫燿日光漢官典職

**大術** 悅般國真君九年遣使朝獻并送幻人稱能割人

喉脉令斷擊人頭令骨陷背血出或數升或盈斗以草

藥內其口中令嚼咽之須臾血止養瘡一月復常又無

痕癥世祖疑其虛乃取死罪囚試之皆驗云又言其國

有大術者蠕蠕來抄掠術人能作霖雨狂風大雪及行

潦蠕蠕凍死漂亡者十二三魏書

**渡汾止虎** 由吾道榮琅琊人也初晉陽人某大明法術

為人傭力無識之者道榮聞之訪得其人以道榮好尚

乃悉授之謂道榮曰我本恒岳仙人有罪為天官所謫

今限滿將歸卿宜送吾至汾水及至汾河河水暴長其

人乃臨水禹步以一符投水中流便絕我頃永積將至

天是人徐自沙石上渡道榮嘗往晉陽至潦山中夜逢

猛獸以杖畫地即成火坑猛獸遂走

北齊書

**變池**崇仁縣有境池相傳陳司空黃法氈有奇術常欲

變置塩池於家山之下幅員六十餘畝至今水味獨鹹

於他水而湛然清澈禽畜不敢觸之

臨川記

**致婦**楊素有美妾姿色絕倫時有千牛桑和有妖蠱異

術常一見婦人即便能致場帝密使竊之素宅深邃和

朝奉詔夜便竊以送

兩京記

**弄幻**弄幻之士因時而作殞瓜種粟立起尋策投芳送

臭賣黃售白麾天興雲露畫地成江湖

孔儒七引

**吞刀**元始十四年七月西域貢吞刀吐火秘幻奇伎

北齊書

天中記四





